



**Phosphorvs sive Ioannes Baptista nativitas, vita, mors**

**Cabilliau, Baudouin**

**Lovany, 1642**

Imago 15. Nox incubat atra fluentis.

---

[urn:nbn:de:hbz:466:1-70001](https://nbn-resolving.org/urn:nbn:de:hbz:466:1-70001)



3. Pharos. *Vita Sanctorum* exposita uti Pharos quò caliginosa in nocte errorum qui periclitantur de salutis suae naufragio, se recipiant in portum gratiae. Ut fiduciam sperandae veniae adsequantur. Certè Sanctorum vita, uti eam depingit Nyssenus in vita Gregorij Thaumaturgi. Pharo quam simillima elucet, quorum clarissima exempla, & rerum gestarum gloria errantes ad poenitentiae studium inuitat. Ut in tuto suam collocent salutem.

4. Tempestate. Quid mare nisi praesens seculum designat quod se casuum tumultibus, & undis vitae corruptibilis illidit. Greg. 24. in Euang.

Ioannes lucerna ardens & lucens ad aquas ubi capit homines, & ad poenitentiam vocat.

Imago 15.

## Nox incubat atra fluentis.

1. Nox in qua
  2. Nubes atra in quibus
  3. Varia monstra supra
  4. Stagnum rotundum
  5. Lucerna ardens affulget; ad quam
  6. Pisces stellati inter
  7. Retia sparsa ad ripam adnatant, quibus
  8. Capi gestiunt, & ludibundi casses subeunt.
1. Legis antiquae umbra.
  2. Errores impiorum.

E iij

9. Vitia



3. *Vitia*
  4. *Mundus fluxus & instabilis, vel aqua Salim & Ennon.*
  5. *Ioannes affulget ad aquas Salim*
  6. *Pij caelo digni aduolant, vt*
  7. *Pœnitentiam amplectantur, & arctiorem vite modum sequantur.*
  8. *Gaudent se pœnitentia studio capi, ob spem salutis.*
- Ni malis à Christo Ioannis discipulos capi vti Andream, Petrum, & alios.*

### *Trochaicum purum.*

**P**æmicat lucerna stagno,  
 Sed lucerna par corusco  
 Phosphoro iubar, vel vrsæ,  
 Nubilis aquis inardet,  
 Nubilosa vela noctis  
 Discutit, nigrasque formas,  
 Nubium, truces vel umbras,  
 Monstra dira, dira spectra,  
 Nocte quæ relaxat orcus.  
 Hinc, & inde ceu coronâ  
 Textili doloque cingunt  
 Obuios plagæ natanti  
 Piscium greges, lucerna  
 Quos vocat, capi que suadet,  
 Sic capi sed ad lucernam, est  
 Pœnitere, ne deinceps  
 Pœnitere sit necesse.  
 Nam dolor breues ad horas  
 Occupat fidem salutis,  
 Gaudiumque sempiternum  
 Lacrymis suis reseruat.

32

33

Horri-



Horridum metum laboris,  
 Et breui genæ sub imbri  
 Maximos dolor saluber  
 Opprimit rogos Auerni.

N O T Æ.

Copiosior nusquam, iucundiorue piscium existit  
 captura, quam si de nocte piscoso in lacu lucernam  
 ardentem destituas, qua sui fulgoris prævio indicio, &  
 contemplatione piscium oculos in sui admirationem  
 rapiat, & insolitâ luce perculsos, in retia pelliciat.

1. Perpetua nox, iam inde ab suo ortu annos  
 plusquam 4000. mundo incubuerat; donec sol Iusti-  
 tiæ (cui Ioannes ut Phosphorus præfulsit) exoriretur.  
 Quibus in sæculis retro evolutis vnus panè omnes er-  
 ror sic inuoluerat, ut alia omnia, omnigenumque  
 Deum monstra, potius colerent quàm vnum Deum.  
 Quâ in nocte tam caliginosâ pauci omninò Sancti Pa-  
 triarchæ, & in lege Mosæica, cœn rara & stella; non-  
 nihil celestis lucis ys in tenebris exseruere, & ut scin-  
 tilla in arundinetis emicere.

2. Nulli non Deus naturale lumen infundit, quo  
 possit quadamtenus de Deo aliquid quasi per nebu-  
 lam internoscere. Verum enimuero eæ scintillas sine  
 igniculos crassa rerum diuinarum, quam bruti affe-  
 ctus adferunt, ignorantia exstinguit, unde mentem  
 error occupat, & inde

3. Vitiorum mira portenta, omnem vitæ hone-  
 stæ instituendæ rationem deprauant, adeoque peruer-  
 tunt;



tunt; ut homo dignissimum Deo, & coelo animal in belluam degeneret.

4. Quid mundum de quo est sermo constituit? nisi omnium hominum collecta multitudo. Populi enim multi, aquæ multæ, Apocalip. c. 17. in quibus nullus diuini amoris igniculus adhuc sit superstes, nec lux vlla, aut quies residit; sed volubilium undarum instar, ad omnem venti appulsam huc, illuc, sursum, & deorsum præut cupido mobilem, & fluxum animum impulerit, circumferuntur.

5. Lucerna. Ioannes agit in loco aquis irriguo, quo commodius aqua tingendi ad se confluerent, & loci amœnitas inuitaret.

6. Est in mari stella piscis ignei vigoris. Sunt & alij pisces maculis sparsi ceu stellis. Certè muræna dum viuit, quasi septem stellis emicat. Quidni & py homines cœlestibus Spiritus Sancti donis, ut stellis præfulgeant?

8. Iuuenalis adulans, vel irridens ait de pisce insigni gula illecebrâ: Ipse capi voluit. Quasi foret felicitas lautis epulis vltimum intermori. Et quanto satius quisque velit, ut sit peccato liber, securâ Christi sagenâ capi, & includi; unde in spem salutis emergat.

Ioannes lucerna ardens & lucens caritatis. Quam nec aura popularis gloriæ, nec minæ Herodis, nec sanguis effusus extinguant.

Imago